



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1862**

XC. Das Kloster Arendsee verkauft denen von Klitzing Leibrenten für  
Conventualinnen ihrer Familie, am 7. Dezember 1350.

---

---

**Nutzungsbedingungen**

[urn:nbn:de:hbz:466:1-55716](https://nbn-resolving.org/urn:nbn:de:hbz:466:1-55716)

LXXXIX. Das Kloster Arendsee verkauft an Conventualinnen Leibrenten aus seinen eigenen Gütern, am 7. Dezember 1350.

Nos Johannes prepositus, Jutta Priorissa totusque conuentus sanctimonialium monasterii in Arnesse recongnoscimus publice per presentes, Quod vnanimi consensu et concordi voluntate vendidimus ac perpetuo dimisimus pro octo marcis nobis solutis et vtilitatem nostram communem conuerfis in propria villa nostra Gawele vnum talentum brandenburgensium denariorum, In curia scilicet Ghericonis dicti houener X solidos, et in curia fritzen de creuese X solidos, per ipsos colonos vel eorum in posterum in dictis curiis successores de censu mansorum Annis singulis in die beati Nycholai presentandos in manus nostre domine Priorisse. Cuius quidem pecunie decem solidi ad augmentum elemosinarum pro fidelium animabus fieri consuetarum iugiter permanebunt, et residui decem solidi deodeuotis nobiscum professis dominabus Sophye de Sydowe et erme-gardi de molendorpe ad vtriusque vite tempora, altera eciam defuncta. Post vtriusque mortem dicti X solidi intra conuentum dominabus ad caritatem porcionaliter diidentur in salutem omnium fidelium animarum. Vt autem hec premissa a nobis et posteris nostris inuiolabiliter perpetuo obseruentur, in euidens testimonium eorundem sigilla nostra patenti apposimus huic scripto. Testes eciam huius rei sunt honorabiles viri et discreti domini henricus, prepositus in Creuese, Gherardus de Winteruelde ac nycholaus de Rossowe, perpetui in ecclesia nostra vicarii, Henricus mowe ac Johannes plebanus in Bomezin, nostre curie Cappellani, ac quam plures alii fide digni. Datum anno domini M<sup>o</sup>. CCC<sup>o</sup>. quinquagesimo, In crastino beati nycholai confessoris et Pontificis gloriosi.

XC. Das Kloster Arendsee verkauft denen von Klitzing Leibrenten für Conventualinnen ihrer Familie, am 7. Dezember 1350.

Nos Johannes prepositus, Jutta Priorissa Totusque conuentus sanctimonialium monasterii in Arnesse recongnoscimus publice per presentes, Quod honesti famuli henninghus et Wernerus dicti klitzing in animarum suarum ac parentum suorum pie memorie, Conradi quondam dicti klitzing ac Zacharie conthoralis ipsius, remedium pro octo marcis argenti nobis solutis et in vtilitatem nostram communem conuerfis vnum talentum Brandenburgensium denariorum a nobis comparauerunt de villa nostra propria Gawele ex curiis ludgeri et henniken heyne ex ipsarum qualibet decem solidos Annis singulis perpetuo exsoluendum. Quod quidem talentum per ipsos colonos vel eorum in posterum successores in curiis prenotatis de censu mansorum in die beati nycholai Annis singulis in manus priorisse presentabitur, et ipsius dimidietas intra conuentum dominabus porcionaliter diuidetur, aliam autem dimidietatem deodeuote nobiscum professe domine Bertradis klitzinges, soror, et Elizabeth de fadenbeke, matertera predictorum famulorum, ad vtriusque vite sue tempora percipient, altera eciam defuncta. Pro quo Conuentus noster prima

die post festum nycholai ipsi Conuentui competenti memoriam fideliter peraget animarum Conradi ac Zacharie prefatorum cum vigiliis, missis, oracionibus et commendacionibus, vt est moris. Postquam eciam dicti Henninghus et Wernerus vel eorum alter de huius seculi medio sublati fuerint, memoria eorum vel eius vna cum parentum suorum predictorum memoria prenotata per conuentum, ut premititur, peragetur. Postquam autem dicte Bertradis et Elyzabeth viam vniuerse carnis ambe fuerint ingressæ, prefati talenti dimidietas, quam ipse, quoad vixerunt, sustulerunt, ad diuisionem prenotatam porcionaliter dominabus intra faciendam Jugiter permanebit. Et sic prenotata memoria perpetuo peragetur, sicut predictur, per conuentum. Vt autem premissa omnia et singula firmiter per nos et nostros posteros obseruentur, presentem paginam super hiis conscriptam sigillorum nostrorum munimine dignum duximus roborandam in euidentiam et testimonium eorundem. Testes eciam huius rei sunt honorabiles viri et Discreti Domini Johannes de Bynda, Rector ecclesie in Reuenstorpe, Gherardus de Wynteruelde et Nycholaus de Rossowe, perpetui in ecclesia nostra vicarii, Henricus mowe et Johannes de Bomezin, nostre curie capellani, ac quam plures alii fide digni. Datum Anno domini M<sup>o</sup>. CCC<sup>o</sup>. L<sup>o</sup>., In crastino beati nycholai confessoris Atque pontificis gloriosi.

XCI. Der Rath zu Lüneburg befundet, daß ein daselbst dem Kloster Arensdsee vermachtes Haus von diesem verkauft sei, am 15. Juni 1351.

Nos Consules Ciuitatis Lüneborch Hermannes hout, Johannes dicke, hartwicus de Palma, Johannes Garlop, Thidericus Stiliften, Conradus peghehardi, Hinricus Miles, Ludolfus hartwici, Jacobus de ponte, hinricus viscule, Gherardus Garlop, hermannus hout Junior, Tenore prefencium publice protestamur, quod bone memorie hinricus Bartrammi, faber, quondam noster conciuus, dum viveret, et ipfius vxor domina Mechtildis cum consensu heredum suorum omnium Domum suam, Curiam et aream cum attinenciis in nouo foro lüneborch sitas Monasterio sanctimonialium sancte marie virginis in Arnaffe Iusto donacionis tytulo post obitum vtriusque ipsorum legaliter donauerunt, prout in litteris prioribus sigillo nostro sigillatis plenius continetur. Nunc autem predicta domina Mechtildis, viro suo prefato Jam dudum per mortem extincto, domum, Curiam et aream cum attinenciis cum expresso consensu et assensu domini Johannis prepositi, Jutte priorisse ac tocius conuentus Monasterii supradicti vendidit et dimisit Nycholao Langhar nostro conciuo et eius heredibus, Ita sane, quod ipsa domina Mechtildis annum censum cedentem et prouenientem ex eis, videlicet Sex marcas denariorum lüneburgenfium percipiet ad tempora vite sue, Et post ipsius obitum prefatus Nycholaus Langhar et eius heredes aut in dicta hereditate successor et possessor, successores et possessores Monasterio in Arnaffe prelibato Nonaginta marcas lüneburgenfium denariorum infra dimidium annum continuum a die obitus dicte domine computandum persoluent pecunia cum parata infra primum mensem post lapsum dicti dimidii anni numerandum. Preterea recognoscimus, quod hinricus Bertrammi faber, dum viueret, ac Mechtildis ipsius Vxor prefati prelibato monasterio